



Aliteración en ti



XXVIII Premios Literarios "Minerva"

◆ 2000 ◆

Sen título

◆ PRIMEIRO PREMIO DE POESÍA ◆

Tania García Ruibal

Tania García Ruibal cursaba COU no I.E.S. Johan Carballeira no momento de recibir o premio, sendo esta a primeira vez que se presentaba a este certame. Anteriormente xa acadara outros galardóns como o primeiro premio de narrativa en 1999 e o segundo premio de poesía un ano despois no Certame literario de I.E.S. Johan Carballeira.

Esta rapaza de Bueu (Pontevedra) reconece ler case todo o que cae nas súas mans, aínda que prefire autores como Benedetti, Saramago, Rivas, Sábato... Débese salientar a importancia das súas vivencias na súa obra, en especial a influencia que exercen “as mulleres da súa vida” nela, como súa avoa ou súa irmá.

Ela espera por el, xa cansa
lembra o seu pasado deseñado
e pensa que o suicidio,
se é en lexítima defensa,
non é pecado.

E fai do seu amor
un presente histórico
mentres repasa calcetíns
para aquel vello corpo
ese esquelete que non será corpo de vello.

E chove miudiño,
e ela rebe na súa eternidade
aberto o eterno paraugas negro.

As súas mans lixan a pel,
vai perfumado de salitre,
un peixe tráballe na alma.

Xa pensa que soñou
que hai mundo fóra.

Dende o seu cárcere de madeira
rouba vida da mar

quen un día ou moitos
baila enfurecida
e deixa sen cor un armario de muller.

E dálle o último bico a ese vello
ese ancián de corenta anos.

Dezaoito anos con anel
non máis de catro xuntos.

El foise facendo anacoreta
cada vez máis perdido
no intranquilo verquido da saudade.

Ela metamorfoseáase en gaivota
xa ten práctica
e pode voar moi por riba do mar.

Eles onde o tempo
que pasa, pero non existe
traballou de reda

Dezaoito anos
que fixeron coiro das mans del
e constante cheiro a lixivia das dela.